

至都護治所千八百七里至焉耆者八百三十五里

車師後國王治務塗谷去長安八千九百五十里戶五百九十五口四千七百七十四勝兵千八百九十人擊

胡侯左右將左右都尉道民君譯長各一人

師古曰道讀曰導

西南至都護治所千二百三十七里

車師都尉國戶四十口三百三十三勝兵八十四人

車師後城長國戶百五十四口五百六十勝兵二百六

十人武帝天漢二年以匈奴降者介和王爲開陵侯將

樓蘭國兵始擊車師匈奴遣右賢王將數萬騎救之漢

兵不利引去征和四年遣重合侯馬通將四萬騎擊匈